



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 6 desèmber 2023

Desaroyo di preisnan pa konsumidó na Kòrsou pa luna di sèptèmber i òktober 2023

Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 1.0 porshento na luna di sèptèmber 2023 kompará ku luna di ougùstùs 2023. Na luna di oktober 2023 e nivel di preis a subi ku 1,1 kompará ku luna di sèptèmber 2023. E sifra di inflashon pa luna di sèptèmber ta 4.8 porshento i pa luna di òktober 4.4%.

Desaroyo di preis luna di sèptèmber 2023 kompará ku luna di ougùstùs 2023

E sifra índise di preis pa konsumidó (CPI, “Consumer Price Index”) di Kòrsou a subi ku 1,0 porshento na luna di sèptèmber 2023 kompará ku luna di ougùstùs 2023, e la desaroyá di 117,8 na ougùstùs 2023 pa 118,9 na sèptèmber 2023.

Na luna di sèptèmber mayoria di e kategorianan di konsumo a bira mas karu. E kambionan di preis spesífiko ku mas a sobresalí durante luna di sèptèmber 2023 ta; transporte i komunikashon (2.9%), rekreashon i edukashon (2,0%), muebel (1,9%). Mas barata a bira e kategoria di konsumo bibienda (-1,4%).

Desaroyo di preis luna di òktober 2023 kompará ku luna di sèptèmber 2023

E sifra índise di preis pa konsumidó (CPI, “Consumer Price Index”) di Kòrsou a subi ku 1,1 porshento na luna di òktober 2023 kompará ku luna di sèptèmber 2023, e la desaroyá di 118,9 na sèptèmber 2023 pa 120,3 na òktober 2023

Na luna di òktober tur kategorianan di konsumo a bira mas karu. E kambionan di preis spesífiko ku mas a sobresalí durante luna di òktober 2023 ta; bibienda (2,5%), kuminda (1,4%), bebida i sigaria (1,4%). paña i sapatu (1,0%), salubridat (0,3%) i bebida i sigaria (0,2%) i muebel (0,9%).

Desaroyo di preis riba término largu

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p’esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku september i òktober 2023 ku mes periodo un aña anterior, ta resultá ku preisnan na averahe a subi ku 4,8 porshento na sèptèmber 2023 i na luna di òktober ku 4.4 porshento. E CPI promedio di 12 luna a desaroyá di 111,5% na luna di sèptèmber 2022 pa 116,9 na luna di sèptèmber 2023. E CPI promedio di 12 luna di òktober 2022 a desaroyá di 112,3% pa 117,2 na luna di òktober 2023.

////////////////////